

ՍԵՐՈՎԻԷ ԶՈՊՍՆՈՎ, եղբայրները ԱՅՏԻՆ ԳԱՍՊԱՐ, ՊԱՂ-  
ՏԱՍԱՐ և ՇԱՀԷ ՆՈՐ ՆԱԽԻՉԵՒԱՆՅԻ. (Մեծ Սալա գիւղէն). —  
2000 ըուբլի ծախքով 1908ին շինել կուտան Գեթսեմանիի պար-  
տէզին հայոց բաժնին երկաթեայ վանդակապատը և կ'ստա-  
նան Օրինոքեան կոնրակ Յարուիիւն պատրիարքէն:

ՍԵՐՈՎԻԷ ՎՐԴ. ՍԱՄՈՒԷԼԵԱՆ, ԹԱԼԱՍՅԻ. — Մբ. Ծ. 1871  
ին. Զո. 1898ին, ՏԴ. (1902—4). ՏՅՊ. 1907ին. Տեսուչ Ժառ.  
Վարժ. 1910ին, ՏԲ. 1914ին. կը վախճանի 27 Հոկտ. 1917: Յիշ-  
եալը վարած է նաև Տրապիզոնի և Պաղտատի առաջնորդական  
պաշտօնները (1904—7). ունի հրատարակութիւն մը Ծրագիր  
Կեանց անուամբ (տպ. Պոլիս, 1904):

ՍԵՐՈՎԻԷ ՎԻՉԷՆԵԱՆ (Տֆր. Սերվիչիև), ՊՈԼՍԵՑԻ. — Ծ. 1815  
Պոլիս. աշկ. Սկիւտարի Եէնի Մահալէի թաղային դպրոցին և  
ապա ֆրանսերէն սորվելով Եզրիկեանէ՝ 1834ին Բարիզ կ'ուղևորի  
բժշկութիւն ուսանելու համար, չըջանաւարտ կ'ըլլայ 1840ին:  
1844ին կը հրատարակէ Մանկասածոքիւն անուն գիրքը. 1860ին  
իբր ֆլենից—պատիւրակ կ'այցելէ Ս. Յակոբի վանքը որոշմամբ  
տպ. պատրիարքարանի: Հանրածանօթ գէմք մը եղած է պե-  
տական և գիտնական չըջանականերու մէջ և երկար ժամանակ  
մասնակցած է պատրիարքարանի ժողովներուն: Կը վախճանի  
1897ին (Սաւարակ, էջ 1351). տեսնել իր ընդարձակ կեանագրու-  
թիւնը (Հա. 1893, էջ 332—338):

ՍԻՄԷՈՆ ԱԲ. — Մբ. 1606ին:

ՍԻՄԷՈՆ ԵՊՍ. ՆՁԵՑԻ (Սասուն). — Մբ. քահանայական  
ցեղէ, Երուսաղէմ գալով՝ կ'աշակերտի Թէոդորոս պտրք.ին,  
որ 1752ին Ս. Յարութեան տաճարին Գիւտ խաչ եկեղեցիին մէջ,  
վրդ. կը ձեռնադրէ զայն, տալով նաև ծայրագոյն վարդապետութեան  
ասիան. և մասնաւոր ծառայութեանը համար կը շնորհէ անոր  
մասնի և խաչից, եւ իրաւունք Արոտ նստելու, եւ դաս տալու.  
Թէոդորոս պտրք. իր կոնդակին մէջ կը գրէ հետեւեալ գնահա-  
տական տողերը Սիմէոնի մասին. «Ժառանգէր զանբիժ վարս և  
զմաքուր կրօնն եւ զբարի պաշտօնն առ Ած. եւ զգիտութիւնն  
աստուածային սուրբ գրոց, Հին և Նոր կտակարանաց և զբա-  
նիրուն հմտութիւն գրոցն արտաքնոց իմաստասիրականաց՝ ներ-  
հուն և հմտավարժ ի մանկութենէ հետայն, անեալ և վարժեալ